

老子翼卷之三

附錄

史記老子列傳曰老子者楚苦縣厲鄉曲仁里人也
 姓李氏名耳字伯陽謚曰聃周守藏室之史也孔子
 適周將問禮于老子老子曰子所言者其人與骨皆
 已朽矣獨其言在耳且君子得其時則駕不得其時
 則蓬累而行吾聞之良賈深藏若虛君子盛德容貌
 若愚去子之驕氣與多欲態色與淫志是皆無益於
 子之身吾所以告子也

老子
 知其能走者可
 能游默吾知其能走者可

上海圖書館藏

明焦竑撰
黃曙輝點校

老子翼

華東師範大學出版社

圖書在版編目(CIP)數據

老子翼/(明)焦竑著;黃曙輝點校. —上海:
華東師範大學出版社, 2009
(歷代文史要籍注釋選刊)
ISBN 978-7-5617-7250-8

I. ①老… II. ①焦…②黃… III. ①道家②老子—
注釋 IV. ①B223.12

中國版本圖書館 CIP 數據核字(2009)第189377號

歷代文史要籍注釋選刊·老子

老子翼

著者 (明)焦竑
點校者 黃曙輝
項目編輯 方學毅
裝幀設計 勞 韜

出版發行 華東師範大學出版社
社址 上海市中山北路3663號 郵編 200062
網址 www.ecnupress.com.cn
電話 021-60821666 行政傳真 021-62572105
客服電話 021-62865537
門市(郵購)電話 021-62869887
地址 上海市中山北路3663號華東師範大學校內先鋒路口
網店 <http://ecnup.taobao.com/>

印刷者 杭州富陽永昌印刷有限公司
開本 850×1168 32開
印張 8.5
字數 250千字
版次 2011年6月第1版
印次 2011年6月第1次
書號 ISBN 978-7-5617-7250-8/I·618
定價 36.00元

出版人 朱傑人

(如發現本版圖書有印訂品質問題,請寄回本社市場部調換或電話021-62865537聯繫)

點校弁言

《老子翼》三卷，明清刻本甚多，此據萬曆十六年刻本校點。明焦竑撰。輯韓非以下解老子者六十四家，各采其精語，而附以竑之《筆乘》，今本《筆乘》中論及老子者，與《老子翼》無一條相同者，詳見李劍雄點校本《筆乘》前言，讀者可取以參觀。凡六十五家，哀爲一書。其首尾完具，自成章段者，仿李鼎祚《周易集解》之例，各標舉姓名，列本章之後；其音義訓詁但取一字一句者，則仿裴駰《史記集解》之例，聯貫其文，綴本章末句之下。上下篇各爲一卷，附錄及考異共爲一卷。所采諸說，大抵取諸《道藏》，多非世所常行之本。《四庫提要》多苛求明人，然於《老子翼》尚頗持平，謂其去取精審，于諸家註中爲博瞻而有理致。

清人言不通文字訓詁不能讀古書，故於前人專重義理之書，多未措意，其治《老子》，亦主以校勘訓釋，最著名者如《老子》三十一章「夫佳兵者，不祥之器」云云，王念孫謂：「佳，當作佳，字之誤也。佳，古唯字也。唯兵爲不祥之器，故有道者不處。」《讀書雜誌餘編上·老子》。怡然理順，確爲善校古書者，爲考據家津津樂道，

而王了一乃謂「佳兵」之與「惟兵」，意旨實則相去無幾。見《老子研究·附記三》。其語頗可味也。夫一二字之訛誤羨奪，既與意義無大相刺謬，已如王說，此外更有一義，即歷代相沿以「佳兵」為好用兵不止之義，脫學者僅知《老子》本文為「夫惟兵者」，而「佳兵」之義遂為乾沒，遇運用其語者，不能引起相應之聯想，則庾肩吾《被使從渡江》詩「八陣引佳兵，三河總艫軸」，唐陳子昂《送著作佐郎崔融等從梁王東征》詩「王師非樂戰，之子慎佳兵」，宋岳珂《桎史·逆亮辭怪》「金酋亮既立，遂肆暴無忌，佳兵苛役，以迄于亡」，清顧炎武《羌湖引》「佳兵不祥，天道好還，為賊自賊，為殘自殘」，均當如何解乎？

夫善讀古書者，校勘訓詁誠為綦重，然更當重視其義理。清人恒言不通小學，不能讀古書。余為下一轉語曰不通義理，亦安能讀古書哉？熊十力嘗舉少年時讀《論語》與《詩經》之經驗以詔吾人云：「我深信讀經之難，不僅在名物訓詁，訓詁弄清了，還不配說懂得經，這是我殷勤鄭重向時賢申明的苦心。」《十力語要》卷一《與某報》。然則如何始可云配懂得經，當如十力弟子牟宗三所言有思想力，有理解力，詳見於其《研究中國哲學之文獻途徑》一文，原載《鵝湖月刊》十一卷一期，後收入《牟宗三先生全集》二十七卷。願讀者參詳。

《老子》意涵之豐富，不下於群經，歷來疏釋證明，均有一定家法，而近現代學者，每師心自用，翻出新解，或有執南面之說，以爲探驪得珠，而疏證《道德經》上下篇矣；至有以「還吾」名其書者，不知者驟視之，幾疑失父而爲零丁也。通釋《老子》，校勘訓詁外尚大有事在，非自義理始不可，欲知古來疏證老子義理之大概，請自《老子翼》始。

辛卯春月後學黃曙輝謹識

老子翼序

《老子》，明道之書也，而唐王真也者至以爲譚兵而作，豈其「佳兵」「善戰」之言，亦有以啟之歟？余曰：老子非言兵也，明致柔也。天下之喜強者莫逾於兵，而猶然以柔誦也，即無之而不柔可知已。柔也者，剛之對也。道無不在，而獨主柔而賓剛，何居？余曰：老子非言柔也，明無爲也。柔非即爲道，而去無爲也近，剛非外於道，而去無爲也遠。故自柔以求之，而無爲可幾也。夫無之不能不有，猶之柔之不能無剛也，而建之以常無有。夫建之以常無有，則世之仁義聖智不至絕而棄之不止也，是亦歸於舉一而廢百者耳。余曰：老子非言無之無也，明有之無也。無之無者，是舍有以適無者也，其名爲輓斷。有之無者，是即有以證無者也，其學爲歸根。苟物之各歸其根也，即芸芸並作，而卒不得命之曰有，此致虛守靜之極也。蓋學者知器而不知道，故《易》明器即道；見色而不見空，故釋明色即空；得有而不得無，故老明有即無。審知有之即無也，則爲無爲，事無事，而爲與事舉不得以礙之矣。斯又何絕棄之有？故曰「《老子》，明道之書也」。余幼好剛使氣，讀《老子》，如以耳食無異也。年二十有三，聞師友之訓，稍志於學，而苦其難入。有譚者以所謂昭昭

靈靈引之，忻然如有當也。反之於心，如馬之有銜勒而戶之有樞也；參之近儒，如契之有合也。自以爲道在此矣。顧二十年以來，觸塗成室，有室必有疑；考古多乖，有乖必有反，蓋未嘗暫去於懷也。頃歲困衡既久，浸以成疴，偃息之餘，俄有獨寤，乃喟然嘆曰：鄉也未嘗不非意識，而或思滅識以趣寂；未嘗不貴無心，而不知本心之自無。知慕清淨，而不知無垢之非淨；知有真我，而不知無物之非我，皆譚者有以誤之也。自此馳求意見，寂無影響，而余亦幸爲無事人矣。時友人翟德孚好言老子，間舉以相訊，余以近寤疏之，德孚未嘗不擊節也，屬余章爲之解，因取家藏《老子故》暨《道藏》所收徧讀之，得六十有四家。博哉言乎。其間叛道離經之語雖往往有之，而合者爲不少矣。吟諷回環，繼以太息。嗟乎，老氏五千言，或以爲盡容成子書，列子又言「谷神不死」爲黃帝書，故曰「述而不作，信而好古，竊比於我老彭」。古之聖人可以明道，不必皆已出也，況余之於斯，秋毫之端，萬分未處一者乎？於是輟不復作，第取前人所疏，手自排續爲一編，而一二膚見附焉。德孚亦方解《陰符》未竟也，俟其成，當並出以示學者。今姑敘之，藏於家。皆萬曆丁亥冬仲焦竑弱侯書。

老子翼采摭書目

洪武御注

開元御注

政和御注

開元疏

開元廣疏義

韓非子有《解老》《喻老》二篇。

河上公註

嚴君平指歸

鍾會注

王輔嗣注

鳩摩羅什注

肇法師注

傅奕校定古本唐太史令。有《老子註》，今惟古本一篇存。

杜光庭廣聖義後蜀廣德先生。天復辛酉著《廣聖義》五十卷。

陸希聲註唐相。

李約註唐兵部郎勉子。

顧歡註

李榮註

司馬氏論四卷溫公。

王介甫註

蘇子由註四卷元符庚辰造。

陸農師註宋中大夫，知亳州時造。

張文潛義

呂吉甫註四卷元豐間進。

王補之義无咎。

王元澤註

程俱老子論見《北山集》。

陳象古註二卷承「」議郎，建中靖國間造。

陳碧虛藏室纂微 熙寧間造。

薛致玄纂微開題科文疏

李息齋註 嘉謀著 《道德經先天》 《道德經二解》。《藏》本。

強思齋玄德纂疏二十卷 乾德間造。

章安解義十卷 政和間進。

江澂疏義十四卷 政和間進。

鶴林彭耜集註十八卷

董思靖集解

饒陽李霖取善集

趙志堅疏義

邵若愚直解 本來子。紹興間造。

程泰之註 大昌。吏部尚書、龍圖閣學士，乾道間造 《易老通言》。

趙秉文集解 宋學士。

時雍全解

龍興觀碑次解 無名氏。

葉夢得解

劉仲平註

劉巨濟註，宋職方郎中。

劉辰翁點校道德經

黃茂材註，知荆門軍事，淳熙間造。

林虜齋口義，希逸。翰林學士。景定間造。

白紫清老子解，玉蟾。

劉師立節解，真靜子。紹熙間造。

劉惟永集義，大德間造。

丁易東解石潭。大德間樞密院編修。

吳幼清註，激。

林志堅註

盱江危大有集義

鄧錡道德三解，大德間造。

張嗣成訓頌，至治間造。

李道純會元至元間造。

杜道堅原旨當塗人。大德間造。

原旨發揮

薛君采集解蕙，亳州人。考功郎中。嘉靖間造。

王純甫老子億道。武城人。祭酒，禮部侍郎。嘉靖間造《周易億》四卷、《老子億》四卷。

李宏甫解老載贄。溫陵人，姚安太守。所著有《李氏春秋》《老子解》《莊子內篇解》《心經提綱》。

焦氏筆乘余舊讀書所劄記間及《老子》者，今悉附入。

【校】「一」「承」，原作「丞」，按《道藏目錄詳註》卷三著錄《道德經解》二卷，承議郎陳象古解，今據以改正。

目 録

老子翼序	一
老子翼卷之一	
老子翼採摭書目	一
上篇	一
一章	一
二章	五
三章	九
四章	一一
五章	一三
六章	一五
七章	一七
八章	一八
九章	二〇
十章	二二

十一章	二七
十二章	二八
十三章	三〇
十四章	三三
十五章	三六
十六章	三九
十七章	四二
十八章	四四
十九章	四六
二十章	四九
二十一章	五三
二十二章	五六
二十三章	五九
二十四章	六一
二十五章	六二
二十六章	六五

二十七章……………六七

二十八章……………七〇

二十九章……………七三

三十章……………七六

三十一章……………七八

三十二章……………八〇

三十三章……………八三

三十四章……………八五

三十五章……………八六

三十六章……………八八

三十七章……………九一

老子翼卷之二

下篇……………九五

三十八章……………九五

三十九章……………一〇〇

四十章……………一〇三

四十一章……………一〇五

四十二章……………一〇〇

四十三章……………一一二

四十四章……………一一三

四十五章……………一一四

四十六章……………一一六

四十七章……………一一八

四十八章……………一一九

四十九章……………一二一

五十章……………一二四

五十一章……………一二七

五十二章……………一二九

五十三章……………一三一

五十四章……………一三四

五十五章……………一三五

五十六章……………一三七

五十七章	一四〇	七十一章	一七〇
五十八章	一四二	七十二	一七二
五十九章	一四四	七十三章	一七五
六十章	一四六	七十四章	一七八
六十一章	一四九	七十五章	一八〇
六十二章	一五一	七十六章	一八一
六十三章	一五三	七十七章	一八三
六十四章	一五六	七十八章	一八五
六十五章	一五九	七十九章	一八六
六十六章	一六一	八十章	一八八
六十七章	一六二	八十一章	一九一
六十八章	一六六	老子翼卷之三	
六十九章	一六七	附錄	一九五
七十章	一六九	考異	二二九

老子翼卷之一

北海焦竑弱侯輯

秣陵王元貞孟起校

上篇

一章

道可道，非常道。名可名，非常名。無名，天地之始。有名，萬物之母。故常無，欲以觀其妙。常有，欲以觀其徼。此兩者，同出而異名，同謂之玄。玄之又玄，衆妙之門。「可道」，如「禮不虛道」之「道」。常者，恒久不變也。母者，言物自此生也。「欲」，如「性之欲也」之「欲」，猶意也，情也。「徼」「窾」通，物所出之孔窾也。又邊際也，歸也。陳景元曰：「大道邊有小路曰徼。」丁易東云：「無名天地之始，有名萬物之母」，或以「無名」「有名」為讀，或以「無」與「有」為讀。然老子又曰：「道常無名，始制有名」，是可以「無」與「有」為讀乎？「常無欲以觀其妙，常有欲以觀其徼」，有「常無」「常有」為讀者，有「無欲」「有欲」為讀者。莊子曰「建之以常無有」，正指老子此語，則於「常無」「常有」斷